



Մ Ա Յ Ր Ա Թ Ո Ռ Ո Ւ Մ

1960 թվականի Դեկտեմբերի 3-ին, ՇԱՐԱԹ, «տօն սրբոց առաքելոցն և առաջին լուսաւորչացն մերոց Թադէոսի և Բարթողիմէոսի»:

Մայր Տաճարում սուրբ պատարագ մատուցեց արժանապատիւ Տ. Հակոբ քահանա Հակոբյանը:

Սուրբ պատարագի երգեցողությունը կատարեց Հոգևոր Ճեմարանի երգչախումբը:



Դեկտեմբերի 4-ին, ԿԻՐԱԿԻ, Մայր Տաճարում սուրբ պատարագ մատուցեց հոգեշնորհ Տ. Հուսիկ վարդապետ Սանթրուրյանը:

Սուրբ պատարագին ներկա էր Վեհափառ Հայրապետը:



Դեկտեմբերի 11-ին, ԿԻՐԱԿԻ, Մայր Տաճարում սուրբ պատարագ մատուցեց արժանապատիւ Տ. Հովհաննէս քահանա Մարությանը:

Սուրբ պատարագին ներկա էր Վեհափառ Հայրապետը:



Դեկտեմբերի 17-ին, ՇԱՐԱԹ, «տօն Սրբոյն Յակովբայ Մծբնայ հայրապետին»:

Երեկոյան Հոգևոր Ճեմարանում կազմակերպվեց գրական-գեղարվեստական երեկույթ նվիրված մեծ սրբի Հակոբ Մծբնա հայրապետի հիշատակին:

Երեկոյին ներկա էր Վեհափառ Հայրապետը:



Դեկտեմբերի 18-ին, ԿԻՐԱԿԻ, Մայր Տաճարում սուրբ պատարագ մատուցեց արժանապատիւ Տ. Մկրտիչ ավագ քահանա Մկրտչյանը:

Սուրբ պատարագին ներկա էր Վեհափառ Հայրապետը:



Դեկտեմբերի 27-ին, ՆՐԵՔՇԱՐԱԹԻ, երեկոյան ժամը 4-ին, Հոգևոր Ճեմարանի հանդիսութեան սրահում, դասախոսություն կար-

դաց ռումինացի հայտնի հայագետ, Բուխարեստի համալսարանի պրոֆեսոր Վլատ Բենեցեանուն «Հայ մշակույթի զարգացման պատմությունից» թեմայով, որը լսվեց մեծ հետաքրքրությամբ:

Դասախոսության ներկա էին Վեհափառ Հայրապետը, Մայր Աթոռի միաբանությունը, Հոգևոր Ճեմարանի դասախոսական կազմը, ուսանողությունը և վանքի պաշտոնեությունը:

Դասախոսության վերջում վերատեսուչ Հակազուն սրբազանը շնորհակալություն հայտնեց հարգելի հայագետին՝ շահեկան դասախոսության համար:



1961 թվականի Հունվարի 1-ին, ԿԻՐԱԿԻ, ԿԱՂԱՆԴ ԵՎ ՏԱՐՆՄՈՒՏ:

Ամանորի առթիւ Մայր Տաճարում սուրբ պատարագ մատուցեց և քարոզեց Հոգևոր Ճեմարանի վերատեսուչ գերաշնորհ Տ. Հայկազուն արքեպիսկոպոս Աբրահամյանը, «Թող դա՛ս այս ամ ևս» (Ղուկ. ԺԳ 7) բնաբանով: Քարոզիչ սրբազանը անդրադարձավ Մայր Հայրենիքի շինարարության բուռն վերելքին և Մայր Աթոռի վանական-վարչական, հոգևոր շինության աշխատանքներին, սրտագին բարեմաղթություններ արեց այս տարի ևս Հայրենիքի և Ժողովրդի բարօրության, Մայր Աթոռի անսասանության և պայծառության, և Վեհափառ Հայրապետի կյանքի արեւատություն համար:

Հավարտ սուրբ պատարագի, Իջման Ս. Սեղանի առաջ, կատարվեց Հայրապետական մաղթանք՝ Նորին Ս. Օծուքյուն Տ. Տ. Վաղգեն Ա Հայրապետի հանդիսադրությամբ:

Մաղթանքից հետո, հավատացյալները աջահամբույրով շնորհավորեցին Վեհափառ Հայրապետին ամանորի առթիւ:

Հավարտ սուրբ պատարագի, Մայր Աթոռի միաբանության անունից Վեհափառ Հայրապետի նոր տարին շնորհավորեց Մայր Տաճարի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը:

ՀՈՒՆՎԱՐԻ 3-ին, ԵՐԵՎԱՆԻ, Մայր Աթոռից հրաժեշտ առնելով Բելրուժ մեկնեց բարեշնորհ ժիրայր սարկավագ ձերեճյանը, որը 1959 թվականին հաջողությամբ ավարտել էր Հոգևոր ձեմարանի լսարանական բաժինը և շուրջ մեկ և կես տարի Մայր Աթոռում անցկացրել փորձի մի շրջան, հոգևոր ծառայության ասպարեզում:

Նույն օրը, Բելրուժից Մայր Աթոռ ժամանեցին Հոգևոր ձեմարանի թվով 5 նոր ուսանողներ: Նրանք կայարանում ուսանողներին դիմավորեց և Մայր Աթոռ առաջնորդեց Հոգևոր ձեմարանի ավագ վերակացու արժանապատիվ Ս. Հովհաննես քահանա Մարությանը, նոր ուսանողները Մայր Տաճարում իրենց տվածը կատարելուց հետո, ներկայացան վերատեսուչ գերաշնորհ Ս. Հայկազուն արքեպիսկոպոսին, որը ապա նրանց առաջնորդեց Վեհարան, Վեհափառ Հայրապետի Ս. Աջը համբուրելու և նրա օրհնությունները ստանալու համար:

Ս. Մենդյան արձակուրդներից հետո, հունվարի 9-ին, հետ քննության նոր ուսանողները բաժանվեցին համապատասխան դասարանների վրա:

ՀՈՒՆՎԱՐԻ 5-ին, ՀԱՆԳՇԱՐԹԻ, «Զրադալույց Մենդեան և Աստուածայայտնութեան Տեառն մերոյ Յիսուսի Քրիստոսի»:

Մայր Տաճարում կատարվեց ճրագալույցի արարողությունը: Սուրբ պատարագը մատուցեց լուսարարապետ գերաշնորհ Ս. Սահակ արքեպիսկոպոսը: Հավարտ սուրբ պատարագի կատարվեց նախատոնակ:

Արարողության նախագահում էր Վեհափառ Հայրապետը, որը հավարտ սուրբ պատարագի, «Խորհուրդ մեծ և սքանչելի» Մենդյան շարականի երգակցությամբ, առաջնորդվեց Վեհարան, որտեղ օրհնեց միաբանությունը և արձակեց:

ՀՈՒՆՎԱՐԻ 7-ին, ՇԱՐԱԹ, «Յիշատակ մեռելոց»:

Մայր Տաճարում պատարագեց արժանապատիվ Ս. Մկրտիչ ավագ քահանա Մկրտչյանը: Հավարտ սուրբ պատարագի կատարվեց հոգեհանգիստ «վասն համօրէն ննջեցելոց»:

ՀՈՒՆՎԱՐԻ 8-ին, ԿԻՐԱԿԻ, Մայր Տաճարում պատարագեց արժանապատիվ Ս. Մկրտիչ ավագ քահանա Մկրտչյանը:

Սուրբ պատարագին ներկա էր Վեհափառ Հայրապետը:

ՀՈՒՆՎԱՐԻ 10-ին, ԵՐԵՎԱՆԻ, Մայր Աթոռից հրաժեշտ առաւ և Հալեպ, իր ծնողների մոտ վերադարձավ բարեշնորհ Սարգիս տարկավագ Սարգսյանը, որը 1960 թվականին փայլուն հաջողությամբ ավարտել էր Հոգևոր ձեմարանի լսարանական բաժինը:

ՀՈՒՆՎԱՐԻ 13-ին, ՈՒՐԱԹ, «Տօն անուանակոչութեան Տեառն Մերոյ Յիսուսի Քրիստոսի»:

Մայր Տաճարում պատարագեց արժանապատիվ Ս. Հակոբ քահանա Հակոբյանը:

ՀՈՒՆՎԱՐԻ 14-ին, ՇԱՐԱԹ, «Տօն ծննդեան Սրբոյն Յովհաննու Կարապետին»:

Մայր Տաճարում պատարագեց արժանապատիվ Ս. Հովհաննես քահանա Մարությանը:

ՀՈՒՆՎԱՐԻ 15-ին, ԿԻՐԱԿԻ, Մայր Տաճարում սուրբ պատարագ մատուցեց արժանապատիվ Ս. Հակոբ քահանա Հակոբյանը:

Սուրբ պատարագին ներկա էր Վեհափառ Հայրապետը:

